

8 CHIMBUKO LA MASHAKA HAYA YA ULIMWENGU YALIYOPO



Kuna mashaka katika kila sekta ya jamii, na kila taifa hivi sasa linakutana na mageuzi. Kulikuwako na vita kule Mashariki ya Kati, mapambano katika Amerika ya Kati, misukosuko katika Afrika, kukosekana kwa usalama mitaani, wizi, ghasia, hatia za watoto wadogo, n.k. Kuna mashaka pia katika kupanda kwa gharama za kifiedha ulimwenguni, kupanda kwa gharama za maisha, taabu, njaa, na migomo. Madeni ya fedha za kigeni yanatishia uchumi wa nchi za Ulimwengu wa Tatu.

Katika mambo ya asili, huko nako tunaona mashaka – matetemeko ya nchi, mafuriko, ukame, pamoja na vimbunga, kuganda kwa barafu katika maeneo makubwa, pamoja na mawimbi ya ghafla ya joto kali kurudiwa kila mara. Familia mbali mbali pia zinayapitia mashaka. Katika Marekani, kuna talaka zipatazo 6,500 kwa kila siku, ambazo ni zaidi ya milioni moja kwa mwaka. Kati ya wanawake wa umri wa miaka 30 na 40, sita katika kumi wamezipitia talaka, ambazo ni kiasi cha 60%. Katika Ufaransa, moja katika ndoa mbili huishia talaka.

Afya ya ulimwengu imetishiwa. Idadi ya wagonjwa wa Ukimwi inapanda juu kwa kasi, na mara wahanga wake watafikia idadi ya milioni 18. Haya yote huonyesha ya kwamba kuna kitu kinafanyika, lakini ni nini?

1. Kutokana na hali hizi, watu wanasumbuka na nini? Luka 21:25, 26. _____

Je, ni kwa nini haya yote yanatokea jinsi hii? Matukio haya yote, mabadiliko, na mashaka haya yanatangaza nini?

2. Je, wanafunzi walimuliza nini Yesu? Mathayo 24:3. _____

DALILI ZA ULE MWISHO

Hata kama hakuna mtu ajuaye kwa usahihi siku na wakati wa kuja kwa Yesu (Mathayo 24:36), kutakuwako na hali fulani ambazo ni ishara zinazoelekeza kwenye ule wakati wa kuja Kwake. Shida ambayo tumepata kuitaja hapa ni moja wapo ya ishara ya siku za mwisho.

3. Kutatokea nini miongoni mwa mataifa? Mathayo 24:6, 7. _____

Kumekuwako na vita mara nyingi, lakini vita hizi za dunia ni pato la karne yetu hii. Kuna ushindani mku-bwa wa nguvu za silaha za vita. Mataifa madogo yanatokea kuwa na nguvu (Yoeli 3:10). Silaha za nuklia zilizoko siku hizi, zinaweza kuiangamiza sayari yetu hii kwa mara 50, bila ya kuzitaja silaha za kikemikali.

4. Licha ya haya yote, ni mikataba gani itakayosainiwa? 1 Wathesalonike 5:3; (Yeremia 6:14). _____

5. Hali ya kiafya ya watu, wanyama, na mambo ya asili itakuwaje? Mathayo 24:7. _____

Mwanadamu wa leo anaendelea kuwa mgonjwa kabisa, kansa, ukimwi, na mstuko wa moyo ni tauni yetu. Wanyama wanafugwa kinyume na asili, mboga zinatiwa viwatilifu na mbolea za kemikali kwa ajili ya kuzalishwa kwa wingi.

6. Je, Biblia inasema nini juu ya uharibifu wa mazingira? Isaya 24:4, 5, 7. _____

7. Je, mamilioni ya watu watasumbuliwa na nini? Mathayo 24:7.

Ripoti za Umoja wa Mataifa zinasema ya kwamba theluthi mbili ya wanadamu wanasumbuliwa na utapiamlo, na kila mwaka watoto milioni 12 hufariki kabla ya kuufikia mwaka wa kwanza wa maisha yao. Deni la fedha za kigeni katika nchi za Ulimwengu wa Tatu linalifanya tatizo hili kuwa gumu zaidi, kupanda kwa bei ya bidhaa hutishia kuharibu uchumi wa nchi nyingi.

8. Dalili nyingine ni zipi? Luka 21:11.

Kwa kulingana na takwimu, kumekuwako na matetemeko ya nchi yapatayo 127,000 katika karne hii, ambazo ni mara 8,500 zaidi kuliko ilivyokuwa katika karne ya kwanza, na mara 31 zaidi kuliko karne zote zilizotangulia. Idadi ya vifo vinavyotokana na matetemeko ya ardhi imeongezeka mara 10 zaidi katika karne hii kuliko katika zile zilizotangulia.

9. Kutatokea nini katika sayansi katika siku za mwisho? Danieli 12:4.

80% ya mavumbuzi yote yamefanyika katika karne za mwisho zilizopita, na 90% yake ni za wanasayansi ambao wapo hai bado. "Wengi wataenda mbio huko na huko ..." unakiangazia kipindi cha shughuli nyingi za kimaisha za wakati wetu pamoja na kasi ambayo mwanadamu anaweza kwenda na kurudi kutoka mahali pamoja hadi pengine.

10. Je, ni matatizo gani yatakayoibuka katika ulimwengu wa kazi? Yakobo 5:1-5.

11. Kupenda anasa, ngono, vurugu na rushwa zitafanana na wakati upi? Luka 17:26-30. Mwanzo 6:11).

Uchu umekuwa ni mungu kwa wengi. Uzinzi, talaka, ubakaji, na vurugu ndizo zinatawala katika skrini za runinga na katika maisha halisi.

Dhambi za Sodoma (kujamiiana kwa watu wa jinsia moja) zimeongezeka kwa namna ya kutisha na ukimwi kwa vyo vyote ni matokeo yake. Mauaji yameongezeka kwa 900% katika miaka 10 iliyopita.

12. Je, kuna ishara zipi katika ulimwengu wa kijamii? 2 Timotheo 3:1-4.

Kutakuwako na kukosekana kwa _____ (Mathayo 24:12).

13. Je, ni dalili gani zitakazodhihirika katika ulimwengu wa kidini?

2 Timotheo 3:5. Mfano wa _____

2 Timotheo 4:3, 4. Mafundisho ya uongo.

Mathayo 24:5, 11, 24. _____ wa uongo.

Luka 18:8. Kukosekana kwa _____

2 Petro 3:3, 4. _____

Mathayo 24:14. Injili _____

HITIMISHO

14. Dalili hizi zote zinamaanisha nini? Luka 21:28-31.

15. Je, Mungu anatusihi sisi tufanye nini katika wakati huu makini? Luka 21:34-36.

Yakitokana na haya yaliyooneshwa hapo juu pamoja na utimilizo wa nabii mbali mbali za kibiblia ambazo zaendelea kutimilika mbele ya macho yetu, je, unaamini ya kwamba tunaishi katika siku za mwisho wa historia ya mwanadamu? Je, unapenda kujiandaa kukutana na Yesu ajapo mara ya pili?

.....

Uamuzi wangu: Ninaamini ya kwamba dalili za nyakati zinautangaza ule mwisho wa ulimwengu, nami nahitaji kuwa tayari pale Kristo anaporudi. ☐ Ndio ☐ Hapana

.....